

# BULETIN **unisel** UNIVERSITI SELANGOR

Peneraju Transformasi

PENSYARAH UNISEL  
TERIMA ANUGERAH  
KERTAS KERJA  
TERBAIK SEMPENA  
THAILAND HALAL  
ASSEMBLY 2016

**KARYA SENI  
PELAJAR  
DIPENTASKAN  
DI VEX 2016**

**PROGRAM  
MENGUPAYAKAN  
ORANG KELAINAN  
UPAYA 3.0 UNISEL  
2016**




**MISS MALAYSIA  
EARTH 2016  
MERIAHKAN  
GLOWRIA NIGHT  
RUN UNISEL**



**AMANAT 2017  
CERMINAN TRANSFORMASI UNISEL 2016**

# dari meja editor



*Assalamualaikum Warahmatullahi Wabarakatuh dan Salam Sejahtera*

Pertama sekali saya ingin memanjatkan kesyukuran ke hadrat Allah SWT kerana dengan limpah kurnia-Nya, Buletin UNISEL Edisi Januari 2017 dapat direalisasikan. Saya juga ingin merakamkan perhargaan dan ucapan terima kasih kepada semua pihak yang terlibat secara langsung maupun tidak langsung dalam penghasilan buletin edisi tahun baharu ini. Dengan suntikan nafas baharu serta pembaharuan buletin ini diharap dapat memberi lebih informasi bagi merungkai setiap perincian yang telah berlaku di universiti sepanjang hujung tahun 2016.

Tahun 2016 merupakan tahun yang banyak meninggalkan impak yang cukup besar kepada universiti terutama sekali hala tuju untuk menjadi sebuah institut pengajian tinggi (IPT) pilihan utama rakyat Malaysia. Pada 1 Januari 2016, Universiti Selangor (UNISEL) telah menerima seorang cendekiawan, Prof. Dato Dr. Mohammad Redzuan Othman sebagai Presiden dan Naib Canselor yang ketujuh. Perlantikan beliau telah banyak memberi impak positif terutama sekali dari segi kecekapan pengurusan serta kecemerlangan UNISEL. Menerusi tagline baharu yang diperkenalkan iaitu "Peneraju Transformasi" diharap dapat memberi satu sinergi baharu dalam bidang pendidikan di negara kita khususnya di negeri Selangor.

Tahun 2017 adalah tahun yang ditunggu-tunggu. Hasil daripada beberapa siri perbincangan, UNISEL bakal menubuhkan sebuah kampus cawangan baharu di luar negara iaitu di Dhaka, Bangladesh. Cadangan untuk melebarkan sayap ke Bangladesh turut mendapat sokongan daripada banyak pihak terutama sekali pihak kerajaan daripada kedua-dua buah negara. Dengan pembukaan kampus baharu ini diharap dapat melebarkan ilmu dan mewujudkan jaringan akademik di persada antarabangsa.

Pada kesempatan ini juga, saya ingin mengucapkan Selamat Tahun Baru 2017 kepada semua terutama sekali kepada warga universiti. Semoga segala kejayaan yang dikecapai pada tahun lepas dapat menjadi pembakar semangat kepada kita semua untuk menghadapi tahun 2017 dan membawa lebih banyak kejayaan dan khabar gembira.

Sekian,

**HASRIL ABU HASSAN**  
Ketua Editor

## sidang editorial

Buletin UNISEL mengalu-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

**Pejabat Komunikasi Korporat**  
Tingkat 5, Bangunan Satelit  
Jalan Zirkon A7/A, Seksyen 7  
40000 Shah Alam  
SELANGOR  
Tel : +603-55223420  
Email : [corporate@unisel.edu.my](mailto:corporate@unisel.edu.my)  
Website : [www.unsel.edu.my](http://www.unsel.edu.my)

Penaung : Prof Dato' Dr Mohammad Redzuan Othman  
Presiden & Naib Canselor

Ketua Editor : Hasril Abu Hassan  
Pengarah Komunikasi Korporat

Editor : Nik Nabilah Nik Aziman  
Penolong Pengurus Komunikasi Korporat

Wartawan : Pejabat Komunikasi Korporat

Fotografi : Pejabat Komunikasi Korporat

Pembantu Editorial :  
: Hasni Mohd Noor  
: Nor Hasnida Mohd Hosni  
: Aiman Mudzafer Mohamad Khairi



# KANDUNGAN

**2** Dari Meja Editor

**4** Amanat 2017, Cerminan Tranformasi UNISEL 2016

**5** Karya Seni Pelajar Dipentaskan di VEX 2016

**6 - 7** Kita Satu Keluarga

**8** "Love & Care" Bukti Mahasiswa Prihatin

**9** Pengantarabangsaan Pelajar (Korea, Bandung)

**10** Feskonisel Disambut Meriah

**11** Abseiling Tarikan Utama UNISEL Open Day 2016

**12** Miss Malaysia Earth 2016 Meriahkan Glowria Night Run Unisel

**13**

- Pasar Siswa Medan Untuk Cungkil Bakat Pelajar Dalam Bidang Keusahawanan
- Info Semasa
- Salam Takziah

**14**

- Pemain Ragbi Marlins Perturun Ilmu
- UNISEL Bolot 6 Pingat di "PERINTIS 2016"

**15**

- Mohd Nazir Kebanggaan UNISEL
- Pensyarah UNISEL Terima Anugerah Kertas Kerja Terbaik Sempena Thailand Halal Assembly 2016



# AMANAT 2017

## CERMINAN TRANSFORMASI

### UNISEL 2016

Ketika dunia pendidikan tinggi masa kini kian mencabar, pelbagai inisiatif telah diambil bagi meningkatkan imej Universiti Selangor (UNISEL) dalam usaha untuk memastikan universiti ini menjadi peneraju kepada transformasi pendidikan negara khususnya.

Prof Dato' Dr. Mohammad Redzuan Othman, Presiden dan Naib Canselor UNISEL berkata, bagi memacu universiti ke arah perubahan, pelbagai langkah telah dan sedang diambil antaranya mengoptimumkan sumber tenaga serta baik pulih infrastruktur di kedua-dua buah kampus. Keutamaan dari segi hubungan di antara pihak luar juga turut dititikberatkan.

"Kunjungan hormat kepada Dato' Menteri Besar Selangor, Exco-Exco Kerajaan Negeri Selangor, Canselor serta Pro Canselor merupakan pendekatan awal yang diambil bagi meningkatkan imej UNISEL" katanya ketika menyampaikan amanat Presiden dan Naib Canselor UNISEL 2017 yang berlangsung di Dewan Canselor, Kampus Bestari Jaya.

Tambah beliau, pelbagai program kemasyarakatan dilakukan menerusi program cakna bagi memastikan UNISEL menjadi pusat pendidikan yang mampu memberi sumbangan kepada masyarakat. Program ke Jepun, Korea, Indonesia dan Kazakhstan, merupakan pendekatan yang diambil bagi mengimarahkan program pengantarabangsaan di kalangan pelajar.

Selain itu, UNISEL juga bakal meneruskan kebitaran pendidikan dengan penubuhan Selangor Business School bagi menghasilkan graduan yang memenuhi keperluan tuntutan korporat, perniagaan, industri dan sektor awam. Tambah beliau, Selangor Business School bakal beroperasi di Menara PKNS yang bertempat di Petaling Jaya.

Dalam pada itu, mengakhiri ucapan amanat tahun 2017, warga UNISEL telah menerima perkhabaran gembira apabila Presiden dan Naib Canselor, Prof. Dato' Dr. Mohammad Redzuan Othman mengumumkan kenaikan gaji berkuatkuasa pada Januari 2017. Penantian selama lima tahun disambut dengan gembira dan rasa syukur oleh seluruh warga universiti.



# KARYA SENI PELAJAR DIPENTASKAN DI VEX 2016

Seramai 37 orang pelajar tahun akhir Fakulti Komunikasi, Seni Visual dan Pengkomputeran (FCVAC) Universiti Selangor telah mempamerkan projek masing-masing sempena "Visual Art Exhibition 2016" atau juga dikenali sebagai VEX 2016.

VEX 2016 yang pertama kalinya diadakan setelah tiga fakulti iaitu Fakulti Komunikasi dan Media, Fakulti Seni Lukis dan Seni Reka dan Fakulti Sains Komputer dan Teknologi Maklumat bergabung merupakan satu langkah transformasi dalam menghasilkan mahasiswa yang kreatif.

Menurut Dr Rina Abd Shukor yang juga merupakan pensyarah fakulti terbabit, pameran ini meliputi beberapa skop antaranya penjenamaan, periklanan, photo journalism, public service announcement serta packaging. Beliau turut berharap agar karya seni yang dipamerkan ini mampu membuka



mata pihak luar dan mampu memberi sumbangan dalam pelbagai sektor khususnya di negeri Selangor.

Pameran yang bermula pada 14 hingga 16 Disember 2016 itu telah dirasmikan oleh Prof. Dato' Dr. Mohammad Reduan Othman, Presiden dan Naib Canselor UNISEL. Turut hadir Prof. Dr. Mohd Nor Nawawi, Timbalan Naib Canselor, Prof. Dr. Azmuddin Ibrahim, Dekan FCVAC serta Prof. Dr. Abd Shukor Hashim, Timbalan Dekan FCVAC.

# KITA SATU KELUARGA

Seramai 300 orang kakitangan Universiti Selangor (UNISEL) telah berkampung di Kampus Bestari Jaya bagi meraikan Hari Keluarga UNISEL yang buat julung kalinya diadakan. Sambutan daripada kakitangan dimeriahkan lagi dengan kehadiran ahli keluarga masing-masing dengan penuh ‘sporting’ memberi sokongan. Ada yang membawa anak-anak kecil dan ada juga membawa sebahagian besar keluarga termasuk datuk, nenek serta cucu.

Walaupun hujan renyai membiasahi bumi Bestari Jaya pada pagi tersebut yang menyebabkan pihak pengurusan terpaksa menukar lokasi perasmian yang pada asalnya di padang Pusat Sukan IPIS dipindahkan ke dewan namun ia tidak mematahkan semangat semua yang hadir. Majlis perasmian yang dirasmikan oleh Prof. Dato’ Dr Mohammad Redzuan Othman, Presiden dan Naib Canselor UNISEL itu diselangi dengan aktiviti senamrobik dan zumba menyaksikan hampir kesemua staf serta ahli keluarga berseronok bersenam bersama ahli keluarga masing-masing.

Acara seperti mewarna dan melukis yang berlangsung di dewan Pusat Sukan bukan sahaja menyaksikan pertarungan bakat diantara anak-anak malah dapat menjadi medan bagi ibu bapa untuk saling mengenali antara satu sama lain. Aktiviti sukaneka pula terbahagi kepada beberapa bahagian. Bagi kategori kanak-kanak 12 tahun, pertandingan lari dalam guri dan junjung mahkota manakala bagi acara bawah 15 tahun pula acara pijak belon dan ‘onei n hole’.

Bagi kategori 18 tahun pula berlangsung acara cari getah dalam tepung dan ‘musical chair’. Acara keluarga seperti lontaran kasih dan model mumia yang diadakan juga berjaya menggamit suasana hari keluarga dengan gelak ketawa dan gelagat lucu daripada semua yang menyertai acara tersebut.

Pertandingan memancing pula diadakan di Tasik Masjid UNISEL yang disertai oleh kakitangan yang kebanyakannya merupakan kaki pancing tegar. Pelbagai jenis ikan telah dilepaskan untuk dinaikkan oleh peserta pertandingan antaranya keli, patin, haruan serta banyak lagi spesis lain. Masing-masing bersemangat untuk mendapatkan pancingan yang paling besar. Pertandingan karaoke yang diadakan di dewan IPIS pada waktu yang sama juga mendapat sambutan lebih 20 orang peserta termasuk anak-anak staf yang mempertaruhkan kehebatan vocal masing-masing umpama menyertai pertandingan “Gegar Vaganza”.

Majlis penyampaian hadiah berlangsung setelah selesai makan tengah hari bertempat di Masjid UNISEL. Penyampaian hadiah turut diselangi dengan hadiah cabutan bertuah yang menawarkan hadiah-hadiah yang lumayan. Antara hadiah yang menjadi rebutan adalah sebuah ‘flat screen tv’ dan juga sebuah penghawa dingin. Program berakhir



kira-kira jam 3.30 petang ini merupakan satu platform kepada kesemua staf UNISEL untuk lebih mengenali antara satu sama lain. Ia juga dapat dijadikan sebagai salah satu program tahunan yang santai untuk mengukuhkan ukhuwah dan mengeratkan silaturahim antara kakitangan bukan sahaja di dalam pejabat malahan luar waktu bekerja. Ketahuilah bahawa Allah SWT sangat menyukai mereka yang sentiasa menjaga hubungan silaturahim dan akan mengurniakan pahala yang besar kepada mereka yang menjaga hubungan silaturahim itu.

Terima kasih diucapkan kepada kesemua penaja sepanjang program berlangsung antaranya Kumpulan Karangkraf Sdn Bhd, Rizki Partners & Co. Sdn Bhd, PNSB Insurance Brokers Sdn Bhd, Santing Aquair Services Sdn Bhd, Ampura Holdings dan Jito Translink. Terima kasih dan penghargaan juga diucapkan kepada pihak Koperasi Universiti Industri Selangor (KUISB), Masjid UNISEL serta Badan Kebajikan Staf UNISEL di atas tajaan sarapan pagi serta makan tengah hari sepanjang program berlangsung. Tahniah buat semua yang terlibat secara langsung maupun tidak langsung dalam menjayakan Hari Keluarga UNISEL 2016. InshaAllah, kita jumpa lagi tahun hadapan.



# “LOVE AND CARE” BUKTI MAHASISWA PRIHATIN



Pada 24 November lepas, sekumpulan mahasiswa daripada Fakulti Komunikasi, Seni Visual dan Pengkomputeran Universiti Selangor (UNISEL) telah mengadakan lawatan ke Hospital Pakar SALAM yang terletak di Seksyen 19, Shah Alam.

Program yang telah disertai oleh 40 orang pelajar jurusan Ijazah Sarjana Muda Komunikasi Korporat itu bertujuan untuk memberi sokongan moral kepada para pesakit serta memberi pendedahan kepada pelajar berkommunikasi dengan masyarakat.

Program tanggungjawab sosial korporat ini mendapat sokongan daripada pihak hospital. Turut hadir memberi sokongan adalah Prof. Dato' Dr. Mohammad Redzuan Othman, Presiden dan Naib Canselor UNISEL, Prof Dr Azmuddin Ibrahim, Dekan Fakulti Komunikasi, Seni Visual dan Pengkomputeran serta Maslina Ibrahim, Pengarah Eksekutif Hospital Pakar SALAM.

# PENGANTARABANGSAAN PELAJAR TAHUN ASAS KE BANDUNG, INDONESIA

Pada 27 -31 Disember yang lepas, para pelajar Tahun Asas TESL telah menyertai program Delegasi Pemerkasaan Bahasa, Budaya dan Lawatan Sambil Belajar ke Bandung, Indonesia. Antara tempat yang dilawati adalah Universitas Islam Bandung (UNISBA) dan juga Ladang kuda Daarut Tauhid.



# PROGRAM PENGANTARABANGSAAN UNISEL KALI INI KE SEOUL, KOREA

Universiti Selangor (UNISEL) menerusi Majlis Perwakilan Pelajarnya sekali lagi mengadakan program pengantarabangsaan kali ini ke negara Korea Selatan. Rombongan yang akan berangkat pada 12 hingga 18 Disember itu akan melawat dua buah universiti ternama di Korea iaitu Seoul National University (SNU) & Hanyang University (HYU).

Menurut Pengarah Programnya, Nur Farah Hazwani binti Rodzi yang juga merupakan Exco MPP UNISEL, kunjungan ini bertujuan untuk mempelajari sistem pendidikan universiti di Korea Selatan selain berpeluang berdialog bersama pimpinan mahasiswa di kedua-dua universiti berkenaan.

Delegasi kali ini disertai oleh enam orang pelajar bersama seorang pegawai pengiring iaitu En. Mohd Nor bin Hashim yang juga merupakan Penolong Pendaftar Kanan, Pembangunan Pelajar & Jaringan Komuniti. Majlis Simbolik Pelepasan telah disempurnakan oleh Prof. Dr. Shaharuddin bin Badaruddin, Timbalan Naib Canselor. Turut hadiri ialah Tn. Hj. Amidi bin Dato' Abd Manan, Dekan HEP dan En. Zulfikri bin Mohd Kamil, Timbalan Pendaftar HEP.



# FESKONISEL

## DAPAT SAMBUTAN MERIAH

**S**empena Majlis Istiadat Konvokesyen UNISEL yang diadakan baru-baru ini, Majlis Perwakilan Pelajar (MPP) Universiti Selangor tidak melepaskan peluang untuk mengadakan Festival Konvokesyen UNISEL (FESKONISEL). Festival ini telah diadakan selama empat hari sepanjang majlis Istiadat berlangsung.

Pelbagai aktiviti menarik telah diatur rapi oleh pihak MPP bagi memastikan festival ini berjalan dengan lancar dan mendapat sambutan yang meriah. Secara rentetannya, majlis perasmian FESKONISEL telah diadakan pada 4 November 2016 dan dirasmikan sendiri oleh Presiden & Naib Canselor UNISEL, Prof. Dato' Dr. Mohammad Redzuan Othman.

Teruja dengan sambutan meriah FESKONISEL, Presiden dan Naib Canselor turut tidak melepaskan peluang melawat sekitar tapak Festival dan sempat merasai beberapa juadah yang turut dijual di situ. Pada sebelah malam pula telah diadakan program bual bicara bersama Ustaz Abdullah Khairi. Program pada malam itu juga turut diiringi oleh alunan Qasidah pelajar UNISMART.

Keesokan harinya pula iaitu pada hari pertama konvokesyen, aktiviti FESKONISEL dijalankan seawal jam 8 pagi dan disambut meriah dengan kehadiran graduan-graduan dan juga keluarga yang teruja untuk menyaksikan anak-anak mereka bergraduat.

Pengisian program pada sebelah malam pula diadakan Forum Krisis Ekonomi oleh Prof. Nazari, Dr. Zulkifli Hassan dan Ganeswaran Kana yang disusuli dengan persembahan daripada kumpulan nasyid tersohor negara, Rabbani.

Pada hari kedua pula telah diadakan aktiviti UNISEL RUN yang mendapat sambutan meriah daripada pelajar-pelajar sendiri. Pada sebelah malamnya pula telah diadakan forum bersama Imam Muda Fakhrul dan disusuli oleh persembahan daripada Broo Twinz dan penyanyi yang sedang meingkat naik, Khai Bahar.

Perasmian penutup program telah dirasmikan oleh Dekan Hal Ehwal Pelajar iaitu En. Amidi



Abdul Manan. Selain program ilmiah, antara aktiviti lain yang mendapat sambutan para pengunjung adalah Suppa Duppia, Basking, Zoonisel, Roller Blade, Silat Fighter, Pet Bottle Race, Dapur UNISEL, pertandingan pakaian beragam bagi kanak-kanak serta Autoshow.

Kebanyakan pengunjung amat gembira dan memberi maklum balas yang sangat positif. Rata-rata ibu bapa yang hadir membawa anak-anak kecil ternyata berpuas hati dengan aktiviti yang dijalankan dan memuji Universiti Selangor kerana berjaya mengadakan Festival Konvokesyen ini. Ini kerana tidak semua universiti mengadakan program sebegini terutama sekali ketika majlis konvokesyen.

Syabas dan tahniah diucapkan kepada semua pihak yang terlibat sama ada secara langsung atau tidak langsung dalam menjayakan Istiadat Konvokesyen UNISEL kali ke 11. Tahniah juga kepada Majlis Perwakilan Pelajar UNISEL yang berjaya mengadakan FESKONISEL 2016. Diharap kita semua dapat bertemu lagi pada tahun hadapan.





# ABSEILING TARIKAN UTAMA “UNISEL OPEN DAY 2016”

Seramai 52 orang mahasiswa Universiti Selangor (UNISEL) yang mengikuti kursus ‘Project Management G1’ telah menganjurkan program Hari Terbuka UNISEL 2016 yang diadakan di perkarangan Dewan Pro Canselor UNISEL Kampus Shah Alam.

Selain bertujuan untuk mempromosikan nama UNISEL kepada komuniti luar, program ini juga memberi peluang kepada mahasiswa untuk menguasai kaedah dan teknik merancang, mengatur dan mengendalikan program dengan lebih terancang.

Hari Terbuka UNISEL ini turut mendapat kerjasama daripada pelbagai pihak antaranya Lembaga Pemasaran Pertanian Persekutuan (FAMA) Negeri Selangor. Sebanyak 10 buah lori ‘foodtruck’ dibawah (FAMA) dan juga 12 vendor telah mengambil bahagian dalam program ini.

Disamping itu, beberapa aktiviti permainan juga turut diadakan seperti ‘abseiling’ yang menjadi tarikan utama pengunjung yang hadir. Selain itu turut diadakan pertandingan terbuka ‘street soccer’, ‘open karaoke’, rumah hantu serta ‘escape room challenge’.

Program seperti ini merupakan satu platform yang baik kepada mahasiswa dalam mengaplikasikan apa yang dipelajari di kelas selain memperoleh pengalaman dalam mengendalikan sebuah program.



# MISS MALAYSIA EARTH 2016 MERIAHKAN GLOW'RIA NIGHT RUN UNISEL

Berbeza dengan pertandingan larian yang selalu diadakan pada sebelah pagi, Universiti Selangor (UNISEL) sekali lagi berjaya memecahkan tradisi dengan mengadakan pertandingan larian Glow'Ria Night Run 2016 yang bertemakan 'night run with glow'. Konsep yang amat berbeza apabila setiap peserta akan berlari bersama barangan bercahaya. Larian sejauh 5 kilometer itu bermula di perkarangan UNISEL ke sekitar bandar Shah Alam dan garisan penamat di perkarangan UNISEL.

Program yang dilaksanakan oleh pelajar-pelajar daripada Pusat Pengajian Asasi dan Umum UNISEL ini menerima sambutan yang amat menggalakkan apabila jumlah penyertaan mencapai lebih 500 orang peserta yang rata-ratanya merupakan penduduk sekitar kawasan Shah Alam.

Kehadiran Miss Malaysia Earth Fire & Eco-Beauty 2016, Jessica Kueh Mei Fung juga merupakan tarikan utama pertandingan. Menurut Jessica, aktiviti seperti ini bukan sahaja dapat menyihatkan badan malah boleh juga dijadikan sebagai aktiviti riadah bersama keluarga dan rakan-rakan.

"Glow'Ria Night Run juga boleh dijadikan platform untuk mendidik anak-anak kecil untuk turut bersama menjalani gaya hidup yang sihat. Saya juga ingin mengucapkan jutaan terima kasih kepada pihak UNISEL kerana sudi menjemput saya dan sebagai ikon saya amat menyokong program-program seperti ini kerana ia banyak memberikan manfaat kepada bukan sahaja individu malahan kepada masyarakat setempat."

Program yang bermula jam 8 malam itu menyaksikan Yagnish a/l Nadarajatt berjaya mengungguli tempat pertama bagi kategori lelaki dengan catatan masa 17 minit manakala bagi kategori wanita pula dimenangi oleh Nor Shila Mohd Fuzet dengan catatan masa 26 minit.



# PASAR SISWA UNISEL MEDAN UNTUK CUNGKIL BAKAT PELAJAR DALAM BIDANG KEUSAHAWANAN

J ika di institut pengajian lain tidak menggalakkan para penuntutnya untuk bergiat dalam bidang perniagaan secara aktif, berbeza pula di Universiti Selangor (UNISEL). Dengan adanya Pasar Siswa UNISEL yang berkonsepkan pasar malam ini, para mahasiswa diberikan tapak perniagaan yang membolehkan mereka berniaga sendiri dengan mendirikan gerai dan boleh memilih sama ada membuka Gerai Jualan Basah atau Kering.

Prof. Dr. Shaharuddin Badaruddin, Timbalan Naib Canselor UNISEL dalam ucapannya ketika majlis perasmian Pasar Siswa UNISEL mengucapkan jutaan tahniah dan syabas kepada semua mahasiswa yang mengambil bahagian. Beliau ternyata amat bangga dan teruja apabila melihat lebih 15 gerai yang dibuka semalam dan berharap agar lebih ramai mahasiswa merebut peluang keemasan ini.



Penghargaan turut diberikan kepada pihak pengurusan universiti antaranya bahagian Hal Ehwal Pelajar, Pengetua Unit Kediaman, Unit CICT, Unit Keselamatan serta kakitangan HEP yang memberi peluang dan ruang serta tapak perniagaan kepada para mahasiswa untuk menjalankan aktiviti perniagaan ini.

Pasar yang berkonsepkan pasar malam ini bermula pada jam 4.30 petang hingga jam 10 malam pada setiap hari Rabu. Pasar Siswa bukan sahaja dapat memberikan manfaat kepada mahasiswa untuk mengembangkan perniagaan mereka malah ini dapat melatih diri untuk menjadi seorang usahawan yang berjaya suatu hari nanti.



## INFO SEMASA

### Sekalung Tahniah

Sekalung tahniah buat Puan Ruhani binti Zakaria yang telah dilantik sebagai Pengarah Pejabat Pentadbiran & Sumber Manusia yang baharu berkuatkuasa pada 1 November 2016.

Semoga dengan pelantikan ini dapat meningkatkan usaha ke arah kecemerlangan UNISEL secara keseluruhannya.



## SALAM TAKZIAH



Salam takziah buat seluruh keluarga Allahyarham Kolonel Prof Dato' Seri Dr Kamarudin Kachar yang merupakan mantan Naib Canselor Universiti Industri Selangor (UNISEL) yang pertama pada tahun 1999. Segala jasa baik akan kami kenang sampai bila-bila. Semoga roh Allahyarham ditempatkan dalam kalangan orang-orang yang beriman. Al-Fatihah

"Tiap-tiap yang berjiwa akan merasakan mati. Kemudian hanyalah kepada Kami kamu dikembalikan" Surat Al-Ankabut Ayat 57

# PEMAIN KELAB RAGBI MARLINS PERTURUN ILMU

Kelab Ragbi Marlins Universiti Selangor (UNISEL) dengan kerjasama Pusat Jaringan Komuniti UNISEL baru-baru ini telah menganjurkan Klinik Ragbi Negeri Selangor 2016 bertempat di Pusat Sukan IPIS Kampus Bestari Jaya. Seramai 80 orang peserta terdiri daripada pelajar-pelajar sekolah rendah dan menengah sekitar Negeri Selangor telah mengambil bahagian dalam program ini.

Program diadakan bertujuan untuk memberi pendedahan kepada pelajar sekolah berkenaan sukan ragbi. Apa yang lebih menarik, jurulatih daripada England iaitu Mr. Andrew Pritchard turut hadir memeriahkan program. Selain daripada perkongsian ilmu dan pengalaman, turut diadakan bengkel formasi serta sesi drill. Latihan di padang turut diadakan bagi memberi peluang kepada pelajar mempraktikkan segala ilmu yang dipelajari.

Majlis perasmian dihadiri oleh Prof Dr Shaharuddin bin Badaruddin, Timbalan Naib Canselor, En. Amidi Abdul Manan, Dekan HEP, En. Izwan Suhadak Ishak, Penagarah COMNET serta penasihat Kelab Ragbi Marlins UNISEL, En Ezwan Shah Abd Majid.



## UNISEL BOLOT 6 PINGAT DI "PERINTIS 2016"

Kejayaan manis sekali lagi telah dilakar oleh Universiti Selangor (UNISEL) apabila berjaya merangkul dua pingat emas, dua pingat perak dan dua pingat gangsa pada Pertandingan Rekacipta dan Inovasi, Institusi Pengajaran Tinggi Swasta (PERINTIS 2016). Pertandingan tersebut berlangsung di Dewan Seri Sarjana, Universiti Tenaga Nasional (UNITEN) kampus Putrajaya di mana UNITEN merupakan tuan rumah bagi penganjuran kali ini.

UNISEL telah menghantar empat kumpulan, dua kumpulan daripada Fakulti Kejuruteraan dan Sains Hayat manakala empat lagi kumpulan daripada Fakulti Komunikasi, Seni Visual dan Pengkomputeran (FCVAC). Daripada enam kategori yang telah dipertandingkan, UNISEL telah berjaya merangkul 2 emas menerusi kategori 'Living Necessities' yang diketuai oleh En. Zahirrudin Idris dan kategori 'I.C.T, Multimedia & Telecommunications' yang diketuai oleh En. Muhammad Fairuz bin Abd Rauf.

Dua pingat perak yang telah berjaya dibawa pulang semalam pula dimenangi oleh kumpulan yang diketuai oleh En Mohammad Ashri Abu Hassan dan Puan Rohaya Abu Hassan masing-masing menerusi kategori yang sama iaitu 'I.C.T, Multimedia & Telecommunications'. Manakala kumpulan yang diketuai oleh Nahdatul Akma Ahmad kategori 'I.C.T, Multimedia & Telecommunications' dan Nazlin Hanie Abdullah kategori 'Living Necessities' berjaya meraih pingat gangsa.

Dalam pada itu, majlis penutup dan penyampaian hadiah telah disempurnakan oleh Menteri Sains, Teknologi dan Inovasi, YB Datuk Seri Panglima Madius Tangau. Pertandingan yang diadakan dua tahun sekali ini merupakan pentas terbaik bagi para penyelidik untuk berkongsi ciptaan mereka. Kebanyakan ciptaan mendapat perhatian banyak pihak luar termasuklah pengeluar, pencipta, syarikat perlesenan serta orang awam. PERINTIS 2016 juga merupakan salah



# MUHAMMAD NAZIR KEBANGGAAN UNISEL

Pensyarah Kanan Jabatan Kejuruteraan, Fakulti Kejuruteraan dan Sains Hayat, Encik Muhammad Nazir bin Mohammed Khalid sekali lagi telah berjaya mengharumkan nama Universiti Selangor (UNISEL) di persada antarabangsa apabila beliau telah berjaya mengungguli pingat emas di International Exposition on Shariah Compliant Idea, Invention, Innovation & Design yang diadakan Bluewave Hotel, Shah Alam.

Karya beliau iaitu Modul Celik Quran Bestari mengandungi enam modul iaitu Smart Al-Fatihah, Pintar Al-Quran, Celik Doa, Bijak Zikrullah, Solat Bestari dan Belajar Tajwid telah berjaya mengungguli kategori Professional/Akademik. Pertandingan yang berlangsung selama dua hari itu dianjurkan oleh Universiti Teknologi Mara (UiTM) dan majlis penyampaian hadiah telah disempurnakan oleh Timbalan Mufti Selangor, Sahibus Samahah Dr Anhar bin Opir.

Syabas dan tahniah diucapkan.



Pensyarah Fakulti Kejuruteraan dan Sains Hayat Universiti Selangor, Dr. Mohamad Ropaning Sulong baru-baru ini telah berjaya memenangi "Best Paper Award" sempena Thailand Halal Assembly 2016 yang berlangsung pada 9-11 Disember 2016 di Queen Sirikit National Convention Centre (QSNCC), Bangkok, Thailand.

Syabas dan tahniah diucapkan.

## PENSYARAH UNISEL TERIMA ANUGERAH KERTAS KERJA TERBAIK SEMPENA THAILAND HALAL ASSEMBLY 2016





**DAFTAR SEGERA**

# PENGAMBILAN MAC, MEI & JULAI 2017

JOIN MASUK UNISEL!

PROGRAM TAHUN ASAS      DIPLOMA      IJAZAH SARJANA MUDA

**YURAN PENGAJIAN  
PERCUMA**  
BAGI SEMUA PENGAJIAN TAHUN ASAS

**BIASISWA  
DAN PINJAMAN  
BAGI YANG LAYAK**

Pejabat Pemasaran & Kemasukan  
UNIVERSITI SELANGOR  
DU007(B) | DU007-01(B)  
Jalan Zirkon A 7/A Seksyen 7,  
40000 Shah Alam, Selangor.

admission@unisel.edu.my  
Universiti Selangor  
Hubungi:  
03 - 5522 3400 011-33907681  
012 - 3401740 011-20036355

GPS KOORDINAT  
KAMPUS SHAH ALAM  
3°5'0" - 101°32'0"  
KAMPUS BESTARI JAYA  
3°24'0" - 101°24'0"

MOHON SEKARANG di [apply.unisel.edu.my](http://apply.unisel.edu.my)